

DANGME



SIKA HE BLO NYA TOMI
HA MA A NI TSUMIHI
-2018-

2018 SIKA HE BLO NYA TOMI KE HA MA A NI TSUMIHI HE WOMI
WAYOO KE HA MA BI A KANEMI KE SISI NUMI



ON THE AUTHORITY OF
HIS EXCELLENCY NANA ADDO DANKWA AKUFO-ADDO,
PRESIDENT OF THE REPUBLIC OF GHANA



Ke O Ngɛ Wa Se Blɔ Hlae ɔ:

Amlaalo ɔ kɛ Ma Bi A 2018 Ma A Sika He Blɔ Nya Tomi Kɛ Ha Ma A Ni
Tsumihi Ngɛ Mlaa Nya

O Maa Na Blɔ Nya Tomi Nɛ ɔ Ngɛ:

www.mofep.gov.gh

Ke O Ngɛ Eko Hlae ɔ, Moo Ba Amlaalo Ni Tsumi He Ngua Nɛ Hyeɔ Ma a Sika
Blɔ Nya Tomihi A Nɔ ɔ:

**Munyu Nya Jelɔ Ha Ni Tsumi He ɔ
Tsu He ɔ Sau ɔ Sisi
Yaa Kekle Tsu Loo Etɛne ɔ Mi**

**Manemi Daka MB40
Accra - Ghana**

**Public Relations Office
New Building**

Ground Floor

**Room 001 or 003
P. O. Box MB 40**

Accra - Ghana

Email: info@mofep.gov.gh

KEKLE MI GBAMI: NYA TSOOMI.....	1
SUSUMIHI A NŌ NĒ A DA KĒ TO 2018 SIKĀ BLŌ NYA KĒ HA MA NI TSUMI ŌMĒ A KULĀA A SIKĀ BLŌ NYA TOMI NI TSUMI	2
Blŏhi, Keteke, Meele, Pa Nŏ Lĕ Kĕ Kŏhio Mi Lĕ Mahehi	7
Nyu Nunui Kĕ Falefale Peemi	8
Sukuu Tsŏsemi	9
Adesa Nŏmlŏtso He Wami Nami.....	11
Ngmŏ Humi, Pa Kĕ Wo Gbemi, Lo Kĕ Lohwehi A Lemi.....	12
Jua Yemi kĕ Ni Tsumi	14
Zugba kĕ Adebŏ Nihi (ekpahi).....	15
We Mami Kĕ Ma Mi Dlami Blŏ Nya Tomi Ni Tsumihi.....	15
Blŏ Wawi Kĕ Blŏ Nguahi	16
Ni Tsumi.....	17
Ma Bi A He Piĕ Pomi	18
NYA MUŌMI.....	20
MUNYUNGU PŌTĒĒHI A SISI TSOOMI (SIKĀ HE BLŌ NYA TOMI HA NI TSUMI Ō MI MUNYUNGU PŌTĒĒHI)	21

Dakahi

Kekle Daka: Tohi Nĕ Ma Bi Wo kĕ He Dooli a Sika Nĕ a Ha Amlaalo ŏ Ngĕ dĕĕĀ
Jeha A Mi

Kekle Daka: Tohi Nĕ Ma Bi Wo kĕ He Dooli a Sika Nĕ a Ha Amlaalo ŏ Ngĕ dĕĕĀ
Jeha A Mi

18

Fonihi

Foni 1: Ma a Sika He Blŏ Nya Tomi Klangma (Nane Hiamihi).....

Foni 2: Tohi nĕ ma bi ma tsu ngĕ 2018 jeha a mi

NYA BLIMI

- I. 2017 Ma a sika he blɔ nya tomi ɔ tsɔɔ blɔhi a nɔ nɛ Amlaalo ɔ maa gu nɛ ma a ni tsumihi nge sika blɔ fa mi maa ya nɔ. Enɛ ɔ ma ha nɛ si nɛ Amlaalo ɔ wo ma bi ɔ maa ba mi.
- II. Nge oslami nyɔngma nɛ be ɔ mi ɔ, a bɔ ma a ni tsumihi ke sika blɔ nya tomihi a he mɔde saminya. E ji wa yi mi tomi kaa wa ma tsa ni tsumi kpakpa nɛ ɔ nɔ ke ha se nami munomunohi. Wa to ma nɔ yami kpakpa si ke pis ni tsumi nami he ejakaa Amlaalo ɔ maa suɔ nɛ ma bi a he nɛ jɔ mɛ.
- III. Amlaalo ɔ tsu ni wawɛɛ nge oslami ɔmɛ nɛ a be ɔmɛ a mi ke:
 - ha ma bi a nɔ tsami sukuu yami faa nɛ ma bi fɛɛ ko nɛ na nɔ tsami sukuu yami ɔ he se;
 - to ma bi a weto nihi a he so ke gu mwɔnɛmwɔnɛ ɔ weto nihi a he so tomi blɔ nya tomi ɔ nɔ;
 - kpa ma bi a he so tomi blɔ nya tomi ɔ he bo;
 - kpale kaseli nge tsɔɔli ke nɛsi tsɔsemi sukuu ɔmɛ a yemi ke buami sika nɛ a haa mɛ ɔ se.
- IV. Nge 2018 sika blɔ nya tomi ɔ mi ɔ, wa oti kake maa pee nihewi ke zangmawi a nine nguɛ nya ni tsumi loo ga kasemi ke ha a de he ni tsumi nami blɔ nya tomi ke e he gɔgɔ fiami. Wa maa hyɛ ni tsumi hehi nɛ sa mami, ni tsumi, ngmɔ humi, pa ke wo gbemi, ngmɔ nihi ke lo juami ni tsumihi, ni tsumi hehi blimi, de he ni tsumihi ke tsakemi blɔ nya tomihi ke ha nɔ yami. Wa ma tsa ni tsumi kpakpahi nɛ wa je a sisi nge 2017 jeha a mi ɔmɛ a nɔ nɛ wa maa je ehehi hu a sisi. Enɛ ɔ ma ha nɛ Ghana ma a maa ba e zɔ nɔ kaa bɔ nɛ wa oti loo yi mi tomi nge sika blɔ nya tomi nɛ ɔ he ɔ, nɛ ji “*Ghana se kpalemi ke ba e zɔ nɔ*” ɔ nɛ e bami.
- V. 2018 ma a sika he blɔ nya tomi ɔ tsɔɔ blɔhi a nɔ nɛ yi mi tomi ke ha ma nɔ yami blɔ nya tomi ɔmɛ nge ni tsue nge ni tsumi he munomunohi ke ha ma a kulaa nɔ yami. Sika he blɔ nya tomi nɛ ɔ, kaa bɔ nɛ wa oti ɔmɛ tsɔɔ ɔ, ma ha nihi maa hi si nge kake peemi, ni nami ke tue mi jɔmi mi nge je nɛ ɔ mi.
- VI. Bɔ nɛ pee nɛ oti ke ha ma a sika he blɔ nya tomi ɔ nɛ ba mi nɛ Ghana nɛ pee ma nɛ blɔ nya munomunohi maa hi mi ɔ, ma suɔ nɛ ma bi nɛ a pee kake ke ye bua ma nɔ yelɔ ɔ yi mi tomi kpakpa nɛ ɔ. Enɛ ɔ maa ye bua ma a nɔ yami mwɔnɛ ɔ ke hwɔɔ se ha wa bimeɛ.
- VII. I naa ma bi si ke ha a yemi ke buami, kuuhi nɛ yeɔ ke buaa ma a nɔ yami ke ni tsumi hehi nɛ a be Amlaalo ɔ sisi nge a yemi ke buami ke ha ma a nɔ yami ɔ he.

VIII. Mawu nɛ gbaa nyɛ kulaa.



KEN OFORI-ATTA

Ma Sɔmɔlɔ Nɔkɔtɔma Nɛ Hyɛɔ
Ma a Sika He Blɔ Nya Tomihi a Nɔ.

KEKLE MI GBAMI: NYA TSOOMI

Meni Ji Ma a Sika He Blɔ Nya Tomi Loo Bɔjɛti ɔ?

1. E ji blɔ nya tomi nɛ tsɔɔ he nɛ Amlaalo ɔ maa na sika ngɛ kɛ nihi nɛ e kɛ sika a ma tsu. Ngɛ Ghana a, ma a sika he blɔ nya tomi ni tsumi he ngua a daa ma nɔ yelɔ ɔ nanemi ngɛ mlaa nya kɛ toɔ ma a sika blɔ nya tomi blɔ nya a nɛ a kaneɔ ha Mlaa Womi Kpe bi daa jeha. Blɔ nya tomi nɛ ɔ tsuɔ ni jeha kake. E tsuɔ ni kɛ jɛɔ kekɛle ligbi ngɛ Jone oslami ɔ nɔ kɛ ya ta nyagbe ligbi ngɛ Maja oslami ɔ nɔ.
2. 2018 ma a sika he blɔ nya tomi ɔ loo bɔjɛti ɔ tsɔɔ blɔhi a nɔ nɛ Ghana ma a ngɛ gue kɛ ngɛ Je kɛ Wɛ Ma Ams a Kake Peemi Kuu (UN) ɔ yi mi tomi kɛ ha nɔ yami ni tsumi ɔmɛ ɔ tsue ngɛ ni tsumi he munomuno ɔmɛ. Ngɛ Lemɔ ligbi nyingmi enyɔ kɛ enuɔne ɔ nɔ ngɛ 2015 jeha a mi ɔ, mahi ngɛ je kɛ wɛ kplɛɛ yi mi tomi komɛ a nɔ nɛ a ma tsu a he ni kɛ po jɛɔ he piɛ. Yi mi tomi nɛ ɔmɛ a ni tsumi ma ha nɔ fɛɛ nɔ ma na ni, ma wo tue mi jɔmi kɛ kake peemi kɛ ba ha ma amɛ a nɔ yami.
3. Wa ngɛ yi mi tomihi kɛ ha nɔ yami ni tsumi ɔmɛ kakaaka nyɔngma kɛ kpaago. Yi mi tomi ɔ fɛɛ ko ngɛ kɛ e ni tsumi pɔtɛɛ. Nɔ mi mami nihi hu ngɛ nɛ maa tsɔɔ kaa blɔ nya tomi ɔ ngɛ nɔ yae pɛpɛɛpɛ loo e yɛ nɔ. E sa nɛ yi mi tomi ɔmɛ nɛ a ba mi ngɛ jeha nyɔngma kɛ enuɔ mi (2015-2030). Bɔ nɛ pee nɛ yi mi tomi nɛ ɔmɛ nɛ a tsu ni ɔ, esa nɛ nɔ fɛɛ nɔ nɛ tsu e blɔ nya ni: Amlaalo ɔ, Ni kakaakahi kɛ kuuhi nɛ a ngɛ a dɛ he kɛ nihi kaa mo. Ma a sika he blɔ nya tomi loo bɔjɛti ɔ tsɔɔ nihi nɛ Amlaalo ɔ ma tsu kɛ ha nɛ yi mi tomi ɔmɛ nɛ a ba mi. Yi mi tomi nɛ ɔmɛ ngɛ womi nɛ ɔ mi.


Meni Ji Ma A Sika He Blɔ Nya Tomi Nɛ A Tsɔɔ Sisi Kɛ Ha Ma Bi A Sisi Numi ɔ?

4. Enɛ ɔ ji nihi nɛ maa hia ma a kɛ a sika he blɔ nya tomi nɛ a tsɔɔ sisi ngɛ blɔ nɛ sa nɔ nɛ ma bi maa nu sisi saminya. E haa nɛ ma bi leɔ nihi pɔtɛɛ nɛ Amlaalo ɔ maa pee ngɛ be pɔtɛɛhi a mi nɛ a nuɔ Amlaalo blɔ nya tomi ɔmɛ hu a sisi saminya.

Ma A Sika He Blɔ Nya Tomi ɔ He Ni Tsumihi

5. 1992 Mlaa a (Article 179(1)) tsɔɔ kaa e sa nɛ ma nɔ yelɔ ɔ nɛ e kɛ ma a sika he blɔ nya tomi ha jeha nɛ ma a he amanieɔ ya fɔ Mlaa Womi Kpe ɔ hɛ mi. Mlaa a tsɔɔ kaa esa nɛ e pee enɛ ɔ oslami kake loko jeha nɛ a ngɛ mi ɔ nɛ e gbo. Ma sɔmɔlɔ nɛ hyɛɔ ma a sika blɔ nya tomi ɔmɛ a nɔ ɔ daa ma nɔ yelɔ ɔ nanemi kɛ peeɔ enɛ ɔ. A daa nihi eywiɛ nɔ kɛ toɔ blɔ nya nɛ ɔ. Ni ɔmɛ ji: Blɔ nya tomi ɔ he ni tsumi, Blɔ ngmɛmi, Ni ɔ tsumi kɛ Ni tsumi ɔ nɔ hyɛmi kaa e ngɛ e ha nɔ lo, ni tsumi ɔ he se nami kɛ sika nɛ a kɛ wo ni tsumi ɔ mi ɔ mi hyɛmi. Moo hyɛ foni ngɛ sisi ɔ.

Foni 1: Ma a Sika He Blɔ Nya Tomi Klangma (Nane Hiamihɪ)



6. Nge blɔ nya tomi ɔ he ni tsumi mi ɔ, a biɔ Amlaalo ni tsumi he ngua amɛ, Amlaalo ni tsumi he wawi ɔmɛ ke ma bi a juɛmi nɛ a ke le a hiami nihi nɛ a ke maa wo jeha nɛ ma a ma a sika he blɔ nya tomi ɔ mi. Amlaalo ni tsumi he ngua nɛ hyɛ ɔ ma a sika he blɔ nya tomi ɔmɛ a nɔ ɔ (MoF) yeɔ ke buaa Amlaalo ni tsumi he wawi ɔmɛ ke toɔ a sika he blɔ nya nɛ a ke ma nɔ yami blɔ nya tomi ɔ nɛ kɔ.
7. A ke sika he blɔ nya tomi ɔ sisije ni tsumi nɛ ɔ ya haa ma nɔ yelɔ ɔ slɔli ɔmɛ nɛ a hyɛ mi nɛ a ke a nine nɛ wo sisi. Enɛ ɔ se ɔ, Ma Sɔmɔlɔ nɛ hyɛɔ ma a sika he blɔ nya tomi ɔmɛ a nɔ ɔ ya bɔɔ Mlaa Womi Kpe ɔ amanis. Mlaa Womi Kpe ɔ hyɛɔ blɔ nya tomi ɔ mi saminya nɛ a sɛɔ he ni. Ke a hyɛ mi ta a, a ke a nine woɔ sisi nɛ e ba peeɔ mlaa.
8. Ma a ni tsumi he ngua nɛ hyɛɔ ma a sika blɔ nya tomihɪ a nɔ ɔ, daa blɔ nya tomi nɛ ɔ nɔ ke haa ma a ni tsumi he wawi ɔmɛ sika ha ma ni tsumihɪ a tsumi. A hyɛɔ ma ni tsumi he wawi ɔmɛ a ni tsumihɪ ke a sika blɔ nya tomihɪ a mi fitsofitso. A peeɔ enɛ ɔ ke hyɛ kaa a ke ma sika a nge nɔ nɛ sa tsue lo.

SUSUMIHI A Nɔ Nɛ A DA KE TO 2018 SIKA BLɔ NYA KE HA MA NI TSUMI ɔMɛ A KULAA A SIKA BLɔ NYA TOMI NI TSUMI

9. Susumihɪ loo otihi a nɔ nɛ a da ke to dʒɛɛ sika he blɔ nya tomi ɔmɛ ji:
 - Ni tsumihɪ ke nihi a he jua maa kuɔ ke su lafa mi gbami ɣ.ɛ;
 - Ni tsumihɪ ke nihi a he jua, nɛ nu piɛ we he ɔ, jua maa kuɔ ke su lafa mi gbami f.ɔ;
 - Nge jeha a nyagbe mi ɔ nihi a he jua maa kuɔ ke su lafa mi gbami ɛ.ɔ pe;
 - Ke nihi a he jua wa nge jeha a mi hluu ɔ, e sɛ nɛ e kuɔ pe lafa mi gbami ɔ.ɛ;

- Ke e maa ba lɛ kaa Amlaalo ɔ ma wo sika kpa kɛ wo ma a ni tsumihi a mi, nge nɔ nɛ nge sika blɔ nya tomi ɔ mi ɔ se ɔ, e sɛ nɛ e pa ma a weto ni tsuo mi gbami lafa a, e mi ɔf;
- Ke Amlaalo ɔ kɛ sika ko maa wo ni tsumi ko mi, nɛ e be to tsumi sika ko he tae ɔ, e sɛ nɛ e pa ma a weto ni tsuo kɛ sikahi nɛ e na a mi lafa mi gbami ɛ.ɣ;
- Ke tsakemi ko maa ba nge sika blɔ nya tomi ɔ blɔ fa mi kɛ kɔ ma se nihi nɛ maa ba ma a mi kɛ ni tsumihi a he ɔ, a nge blɔ hyɛ kaa tsakemi ɔ nɛ ba nge oslami loo hlami etɛ kɛ otsi enyɔ se.

Sika Nami Blɔ Nya Tomihi

10. Bɔ nɛ pee nɛ ma bi nɛ a na a sika nɛ a kɛ wo ni tsumihi a mi he se nge dɛɛɛ jeha a mi ɔ, Amlaalo ɔ maa to blɔ nya nɛ ɔmɛ:
- A ma tsake to womi mlaa amɛ a hɛ mi. A maa hyɛ nihi nɛ a be a he to woe;
 - A maa to blɔ nya nɛ nɔ fɛɛ nɔ nɛ wo to nɛ sa nge nihi nɛ a sa nɛ a wo to nge a he ɔmɛ a he;
 - A ma ha nɛ mlaa nɛ ma ha nɔ fɛɛ nɔ maa wo to nge ni tsumi klemi nya a ma tsu ni;
 - A ma ha nɛ kuuhi kɛ nihi nɛ nge mɛ nitsemɛ a ni tsumihi be to woe nge ni komɛ a he;
 - A maa hyɛ nɛ to womi nge wehi a he ɔ nɛ ya nɔ pɛpɛɛpɛ;
 - A maa to blɔ nya kɛ hyɛ sika tsuali a ni tsumihi a mi nɛ a wo hiɔ nɛ sa ha Amlaalo ɔ.

Sika He Ni Tsumi Nɔ Hyɛmi Blɔ Nya Tomi

11. Bɔ nɛ pee nɛ a ko pue sika tsɔ ɔ, Amlaalo ɔ to blɔ nya nɛ ɔmɛ:
- A maa hyɛ hiɔ womi blɔ nya tomi ɔ mi saminya;
 - A maa hyɛ ni tsumi nɔ hyɛli kɛ kuuhi nɛ a hyɛɔ ma ni tsumihi a nɔ ɔmɛ a hiɔ womi blɔ nya tomi ɔmɛ a mi saminya nɛ a hi hanɔ;
 - A maa hyɛ nɛ mlaahi nɛ a kɔ Amlaalo ni tsuli a hiɔ womi he ɔ nɛ a tsu ni pɛpɛɛpɛ;
 - A maa hyɛ nɛ sika he ni tsumi nge Amlaalo ni tsumi he ɔmɛ nɛ a hi blɔ nɛ sa nɔ;
 - A ma ha ni tsumi nihi kɛ blɔ hiami klamahi (lɔle loo moto) nɛ a wo be kɛkɛ kɛ wo a he hiɔ;
 - A maa to blɔ nya nge blɔ hiami he kɛ ha nihi nɛ a hiaa blɔ nge Amlaalo ɔ blɔ fa mi.

AMLAALO SIKA Nɛ E NAA Kɛ GUɔ TOHI A TSUMI Kɛ BLɔ KPAHI A Nɔ

Kɛ SIKAHl Nɛ E NAA Kɛ Jɛɔ MA SE

12. Amlaalo ɔ naa sika kɛ jɛɔ hehi enyɔ. Mɛ ji: Ma bi a tohi nɛ a tsuɔ kɛ ma se mahi a yemi kɛ buami nɛ a kɛ haa Amlaalo ɔ kɛ ha ma a nɔ yami. Ma bi a tohi nɛ a tsuɔ ɔmɛ ji Amlaalo tohi nɛ e tsuɔ, ma bi a sika nɛ a tsuɔ kɛ haa Amlaalo ɔ, sika nɛ he dooli haa Amlaalo ɔ, sika nɛ he dooli haa Amlaalo ɔ

nɛ a wui he to kɛ to ekpahi. Loko Amlaalo ɔ ma na sika kɛ tsu nihi nɛ sa a, ja ma bi, ni tsumi hehi kɛ kuuhi wo a to ɔmɛ nge behi nɛ sa amɛ a mi.


13. Tohi nɛ a tsuo kɛ sikahi nɛ he dooli haa Amlaalo ɔ ba si Lemɔ 2017 ɔ kulaa ji ayɔ GH¢28,429.20. Ke wa hyɛ ma a weto nihi kɛ ni tsumihi a jua (GDP) nge be nɛ ɔ mi ɔ, tohi kɛ he dooli a sika nɛ a ha a peeɔ lafa mi gbami 14.1. Enɛ ɔ nya tsɔmi ɔ nge daka a nge sisi ɔ mi.

Kekle Daka: Tohi Nɛ Ma Bi Wo kɛ He Dooli a Sika Nɛ a Ha Amlaalo ɔ Nge 2017 Jeha A Mi

To	2017		
	Kekle Bɔjti ɔ	Kekle Bɔjti ɔ Nɛ A Tsake Hɛ Mi	Sika nɛ a na (Jɔne-Lemɔ)
To Kɛ He Doli A Sika Tsuo	44,961.63	43,096.66	28,429.20
Ma Bi A To	43,430.11	41,565.14	27,481.10
Amlaalo Tohi	34,382.05	33,017.08	22,135.60
Ma Bi A Tsumihi	296.33	296.33	296.20
Nihi/Sika Nɛ A He We To Nge A He	6,670.04	6,170.04	3,832.70
To Ekpahi	2,081.69	2,081.69	1,216.60
He Dooli A Sika	1,531.52	1,531.52	948.10

14. Sika nɛ Amlaalo ɔ nge blɔ hyɛ kaa e ma na nge 2018 jeha a mi ɔ ji Ghana sisi ayɔ 51,039.10, nɛ ji ma a weto nihi nɛ a gba mi lafa a, e mi 21.1. Nge enɛ ɔ mi ɔ, ma bi a to nɛ a woɔ ji Ghana sisi ayɔ 50,452.40 kɛ he dooli a sika nɛ nya su Ghana sisi ayɔ 586.80. To nɛ ɔmɛ a nya tsɔmi nge foni nɛ ɔ mi.


Foni 1: Tohi nɛ ma bi ma tsu nge 2018 jeha a mi



NI HEMI KƐ HIƆHI A WOMI BLƆ NYA TOMIHI.

15. BlƆ nya tomi nƛ Ɔ tsɔɔ nihi nƛ Amlaalo Ɔ to nƛ e ma he kƛ hiƆhi nƛ e maa wo ngƛ jeha a mi.
16. Sika nƛ Amlaalo Ɔ kƛ tsu ni kƛ hiƆhi nƛ e wo kƛ ba si Lemɔ 2017 Ɔ ji Ghana sidi ayɔ 37,705.00. Sika nƛ a wo nɔ ta nƛ Ɔ, maa hi kaa ma a weto nihi tsuo a he jua wami nƛ a gbami lafa a, e mi 18.7 kƛ je bojeti nƛ a pee nƛ ji Ghana sidi ayɔ 14,036.20 Ɔ mi. Ngƛ 2018 jeha a mi Ɔ, a to kaa a kƛ Ghana sika sidi ayɔ 62,010.30 ma tsu ni. Sika nƛ Ɔ maa hi kaa ma a weto nihi tsuo nƛ a gbami lafa a, e mi 25.7.
17. O maa to he hƛ kaa ma bi a to kƛ he dooli a sika nƛ nya ji Ghana sidi ayɔ 51,039.10 Ɔ hiƛ kƛ ha hiƆhi womi kƛ nihi tsumi. HiƆhi nƛ a maa wo kƛ nihi nƛ a ma tsu ɔmƛ a he akɔtaa ji Ghana sidi ayɔ 62,011.30. Ngƛ enƛ Ɔ he Ɔ, Amlaalo Ɔ maa pa Ghana sika sidi ayɔ 10,971.10 kƛ piƛ Ghana sika sidi ayɔ 51,039.10 kƛ tsu ni nƛ ɔmƛ. Foni ngƛ sisi Ɔ tsɔɔ nihi a mi nƛ Amlaalo Ɔ kƛ sika maa wo kƛ sika amƛ a nya ngƛ 2018 jeha a mi.

Foni 3: 2018 Jeha A BlƆ Nya Tomi Ha Ni Hemi Kƛ HiƆ Womi



18. O maa na ngƛ foni Ɔ mi kaa Amlaalo Ɔ sika hishiƛ ya sɛɔ ni tsuli a hiƆ womi mi. Kƛ piƛ he Ɔ, sika papeƛ mi womi hiƆ wowe hu peeɔ he nƛ Amlaalo Ɔ sika ya sɛɔ wawƛƛ.


19. **Sika Nε A Na Kε Je Nu Juami Mi Kε Nɔ Nε A Kε Tsu**
Nge 2017 jeha a mi ɔ, a na nu matade kakaaka 5,795,014 nε he jua ji Ngleesi Ablotsi dɔlaa ayɔ 339.32. Sika na ɔ nge Ghana sidi ɔmi ji ayɔ 1,451.39.
20. Sika kulaa nε a na nge nu he ji Ngleesi Ablotsi Dɔla a ayɔ 362.58, nε ji Ghana sika sidi ayɔ 1,552.13. A kε sika nε ɔ mi Ngleesi Ablotsi dɔla a ayɔ 127.09, nε ji Ghana sika a sidi ayɔ 546.31 tsu nihi nε a wo a nɔ ta nge 2017 bɔjeti ɔ mi ke a ma tsu ɔmε.
21. Nge 2018 jeha a mi ɔ, Amlaalo ɔ nge blɔ hyε kaa a ma na sika nε nya maa su Ngleesi Ablotsi dɔla a ayɔ 669.41 nge nu mi. A ma wo sika nε nya maa su Ngleesi Ablotsi dɔla a ayɔ 235.10 kε je sika nε ɔ mi kε tsu nihi nε a wo a nɔ ta nge 2018 bɔjeti ɔ mi ɔ.

Ni Tsumihi Nε Amlaalo ɔ Tsu Nge 2017 Jeha A Mi kε Nihi Nε E Ma Tsu Nge 2018 Jeha A Mi

22. Nge 2017 jeha a mi ɔ, Amlaalo ɔ tsu nihi fuu. E tsu ni nε ɔmε kε to sika he blɔ nya kpakpa kε ha ni tsumihi a wami kε ma a nɔ yami. Nihi hu na ni tsumihi nε a tsu kaa bɔ nε a wo si ɔ. Amlaalo ɔ blɔ nya tomi oti ɔ ekomε ji:

Oslabai He Wami

23. Bɔ nε pee nε ma bi nε a na oslabai he wami nε he jua wε kε tsu a nihi kaa bɔ nε Amlaalo ɔ wo si ɔ, Amlaalo ɔ tsu ni nε ɔmε nge 2017 jeha a mi:
 - A kε he wami nε nya su 445 MW piε blema nɔ nε ji 4,132 MW ɔ he. Enε ɔ tsɔɔ kaa a na he wami nε nya su 4,577 MW nge 2017 jeha mi;
 - A jua kanehi nε a suɔ kε pu he wami (nε a gblaa he wami kε jeɔ mi kε woɔ tinglafo klama tsɔwi loo mobafoni ɔmε a mi) nε nya su 52,191 ha mahi nε na wε oslabai he wami ɔmε. Amlaalo ɔ wo kane ɔmε a he hiɔ nε ji lafa mi gbami nyingmi kpaago (70%) ha nihi nε a na blɔ nya tomi nε ɔ he se ɔ;
 - A gbe oslabai he wami ni tsumi otihi enuɔ nya nge Adaa East kpo wayo ɔ nɔ (Pɛdiatɔkɔpe), Krachi East (Kudɔkɔpe), Krachi West (Aglakɔpe), kε Sene East kpo wayo ɔ nɔ (Atigagome kε Wayokɔpe);
 - A gba kɔɔhiɔ nε a kε slɛɔ la loo tsɔɔ ɔ tɔhi nε nya su 17,000 kε a he la tɔhi kε gu Aklowahi a kɔɔhiɔ nε a kε slɛɔ la he ni tsumi blɔ nya tomi ɔ nɔ (RLP GPP);
 - A tsa oslabai he wami gbami ni tsumi ɔ nɔ. He otihi nε a tsu ni nε ɔ ekomε nge ji:



- A gbe Kpando ke ya Kadjebi 161kv oslabai he wami gbami kpa he ni tsumi o nya;
- A gbe Aboadze ke ya Prestea 330kv oslabai he wami gbami kpa ni tsumi o nya ke su 70%;
- A gbe Prestea ke ya Kumase 330kv oslabai he wami gbami kpa ni tsumi o nya ke su 70%;
- A gbe Kumase ke ya Bolgatanga 330kv oslabai he wami kpa ni tsumi o nya ke su 50%.

24. Bo ne pee ne oslabai he wami ne su hehi ne e hia nge o, Amlaalo o to kaa e ma tsu ni ne ome nge 2018 jeha a mi:

- E ke he wami ne maa su 484MW maa pis blema no o he;
- E ma tsa Kumase ke ya Bolgatanga oslabai he wami kpa he ni tsumi o no ne e maa gbe ke je Aboadze ke ya Prestea, ke ya Kumase oslabai he wami kpa he ni tsumi ome a nya;
- A ma ha mahi ne nya maa su 1,796 oslabai he wami. A maa ma oslabai he wami gbami he tsowi ete nge Ada East kpo wayo o no.
- A maa ma blo he kanehi ne a ke ledi pee ne nya maa su 69,250. A ma gba klama tsowi ne a ke wo nyu te peemi fliijihi a he ne a ko ha ne fliiji ome ne a ko gbla oslabai he wami o tso. A ma gba klama ne o kakaaka 300,000.
- Nge 2018 jeha a mi gbami mi o, a maa je kochio ne tsoo loo a ke sleo la he ni tsumi sisi nge Sankofa Gye Nyame ni tsumi he o;
- A ma gba kanehi ne a ke ledi pee ne nya maa su ay nyongma ke enyo. En o ma ha ne a ke oslabai he wami be kane sue tso hu;
- A ma kpa nine ngu nya loo ga kasemi tsosemi blo nya tomi o he bo. A maa pee ene o ke tsose nihi ha nu ke kochio ne tsoo loo a ke sleo la he ni tsumi ome;
- A maa to blo nya ne Amlaalo ni tsumi he ngua ke wawi ome ma tsu pu he wami he ni nge oslabai he wami ngwohe;
- A ma gba kanehi ne a gbla pu he wami ke tsoo nge Aklowahi. Kane ne ome a nya maa su 50,000;
- A ma gba kanehi ne a ke ledi pee ne nya maa su ay nyongma ke enyo.

25. Amlaalo o to kaa e ke sika ne nya maa su Ghana sidi ay 914.40 ma tsu ni ne ome nge 2018 jeha a mi.

Blahi, Keteke, Meele, Pa No Le Ke Kochio Mi Le Mahehi

26. Bo ne pee ne ni tsumihi ne a ya no nge hisme ne o, Amlaalo o tsu ni ne ome nge 2017 jeha a mi;

- A kpa womi he mi ni tsumi ke je nihi nge meelee mahe ome. En o ha ne nihi jemi



ngɛ meelee mahe ɔmɛ yi be tso hu ne e ha ne Amlaalo ɔ na sika pe sa a ke gu to womi no.

- A tsa Tema ke Takoradi meelee mahe ɔmɛ a mi blimi ni tsumi ɔmɛ no. Enɛ ɔ ma ha ne meelee nguahi ma nye ba sa si ngɛ meelee si sami he ne ɔmɛ ne a he pomi be nyagba pee;
- A tsa kɔɔhiɔ mi le mahe ehe ɔ no ngɛ Kotoka kɔɔhiɔ mi le mahe ɔ (KIA). Ke a gbe nya a, blo hiali ne a nya maa su ayɔ enuɔ ma nye maa gu hieme ne ɔ ke hia blo ngɛ jeha kake mi;
- A gbe Ho kɔɔhiɔ mi le mahe ni tsumi ɔ nya ke su 87%;
- A gbe Wa kɔɔhiɔ mi le mahe dlami ni tsumi ɔ nya;
- A gbe keteke blo ne je Sekondi ke ba gu Kojokrom ke ba Takoradi ɔ nya. Enɛ ɔ ma ha ne nihi ma boni blo hiami ke keteke;
- A je keteke blo ne je Tema meelee mahe ɔ ke yaa Akosombo ɔ gbami sisi. Blo ne ɔ kami maa su 85km.

27. Ngɛ 2018 jeha a mi ɔ, Amlaalo ɔ:

- ma tsa keteke blo ɔ ne je Kojokrom ke ya Kumase ɔ he ni tsumi no. A ma gba blo ɔ eko ke je Dunkwa ke gu Awaso ke ya Nyinahin. A ma tsa keteke blo ne je Tema ke ya Akosombo ɔ hu no;
- ma tsa Kotoka ke Ho kɔɔhiɔ mi le mahe ni tsumi ɔ no;
- ma dla Kumase kɔɔhiɔ mi le mahe ɔ;
- maa je Tamale kɔɔhiɔ mi le mahe ni tsumi enyone ɔ sisi. Ngɛ enɛ ɔ peemi mi ɔ, a maa ma mwɔnɛmwɔnɛ ɔ kɔɔhiɔ mi le mahe tsuhi ke hihe ne klemi ma su 5,000m² ha klamo jali a blo hiami. Ngɛ hieme ne ɔ ke ɔ, a ma gba blo ne a maa ma tsu ne nihi ne a he kpɔ maa hi mi ne a ke kɔɔhiɔ mi le kudɔli maa hi ni sese ke ko a si mami ke a temi he. A maa ma la gbemi ni tsumi he ne a ma tsu ni kpahi hu.

Nyu Nunui Ke Falefale Peemi

28. Ke ha ne falefale peemi ne ya no ke ne no feɛ no loo ma bi tsuo ne a na nyu nunui kpakpa he je ɔ, Amlaalo ɔ hu ta ke si sika tsuami ni tsumi (Galamsee) ne e ke Ghana mlaa a ko we ɔ. No si kpami tsoo kaa nihi na nyu kpakpa jehane ɔ; Amlaalo ɔ tsu ni ne ɔmɛ ngɛ 2017 jeha a mi:



- Amlaalo ɔ hu te ke si sika tsuami ni tsumi (Galamsee) ne e ke Ghana mlaa a ko we ɔ. No si kpami tsoo kaa nihi na nyu kpakpa jehane ɔ;

- A gbe Wa Capecoast, Essakyir, Akim Oda, Akwatia ke Winneba nyu gbami ni tsumi ɔmɛ nya;

- A gbe aklowahi a nyu gbami ni tsumi kekke ke enyone ome a nya (A tsu ni tsumi ne ome nge kpo wawi enuohi a no). A gbe Akrokeri nyu he ni tsumi ke e gbami ni tsumi he o nya nge Asante kpo ngua a no;
- A je kukuhi ekpa nge Ga ma a mi.

29. Nge 2018 jeha a mi o, Amlaalo o ma tsu ni ne ome:



- A maa gbe aklowa ame a nyu gbami ni tsumi enyone o nya. Nge ene o peemi mi o, a maa ma paipuhi nyingmi enu ne a maa tsua asahi lafa ete;

- Nyu he ni tsumi ke e gbami ni tsumi he ome a mi blimi ni tsumi enyone o maa ya no nge Kpong, Aqua Africa, Yendi, Damango,

Tamale, Sunyani, Sekondi-Takoradi, Essiama ke Navrongo nyu he ni tsumi ke e gbami ni tsumi he ome;

- A maa ma agbotso kakaaka 20,000 ha ni tsumi hehi ke gu Amlaalo o e "Toilet for All" loo "agbotso ha no fee no" blo nya tomi o no.

30. Nge deese jeha a mi o, Amlaalo o to kaa e ke sika ne nya su Ghana sisi ayo ebu.yu maa wo ni tsumi ne ome mi.

Sukuu Tsosseme

31. Bo ne pee ne sukuu tsosseme hehi ne a hi he fee he ne ma bi ne a na sukuu tsosseme he se ne a je a nile kpo ke wa Ghana ma a no yami o, Amlaalo o tsu ni ne ome:



- A fo Amlaalo sisi jemi sukuuhi a no hiemi sika a no ke je Ghana sisi 4.50 ke ba Ghana sisi 9.00. A wo Amlaalo sisi je sukuu ome a no hyemi sikahi ne a nge hio mi ome.

- A wo BECE ka ngmami he hio 70% ha

e ngmali ome nge 2017 jeha a mi;

- Blo nya tomi ne ye bua jokuwi ne kpa sukuu yami ne a kpale se sisi je sukuu ni kasemi mi o, ye bua jokuwi 182, 652 ke je 2013/14 ke ba si 2016/17. Blo nya tomi ne o ye bua joku ne ome ne 92% nge sukuu yae amla ne o;

- A je sokuu tsu momohi ne nya maa su nyingmi kpaago ke ekpa dlami sisi. A da blo nya tomi ne o no ke ma kidagati sokuu tsuhi kakaaka nyingmi kpaanyo;
- A je no tsami sokuu yami faa a blo nya tomi o sisi nge Lemo. Sokuu bihi 353,053 ne a se no tsami sokuu ome a mi o wi hio ko. Amlaalo o wo sokuu bihi ne nge se enyo ke etene ome a no ome hiohi ne sa le womi o;



- A ha womihi ne a wo si ke a ma ha sokuu bihi ne na no tsami sokuu faa yami he se o;
- A da no tsami sokuu tsosemi no yami blo nya tomi o no ke ma no tsami sokuu tsuhi kakaaka nyingmi enyo ke ete. Amlaalo o dla sokuu momohi nyingmi eywie ke ekpa ke ha no tsami sokuu tsosemi o. Sokuu bihi ne a nya su 10,027 nge sokuu ne ome na no tsami sokuu yami faa a he se;
- A kpale titse yemi sokuu yali ne nya su 49,000 o a sika yemi ke buami ne kekle Amlaalo o ha ne a po mi o se nge 2017/18 sokuu yami jeha a mi. Titse yemi sokuu yali ne ome nge Amlaalo titse yemi sokuu kakaaka 41 mi.

32. Nge 2018, jeha a mi, Amlaalo o:

- Ma ha ma a akpakitsem e a sokuu tsosemi he ome sokuu no hysmi tsosemi he ome sokuu no hysmi sika, ni kasemi womihi ke ni kasemi ni kpahi;
- Amlaalo o ma ha kpo wawi nyongma ke ewyie ne a na sisije sokuu yami blo nya tomi ke ha jokushi ne ye sokuu o he se. En e o maa ye bua jokushi 40,000 ne me hu a na sisije sokuu tsosemi he se. Bo ne pee ne blo nya tomi ne o ne hi GES no hysmi sisi nge 2018 jeha a mi o, GES o wo blo nya tomi o ke nge ni tsue nge kpo wawi nyingmi enyo no ke hye bo ne e maa hi ha loko a ke ma tsu ni;
- Ma gba womihi ne nya maa su ay o 25.2 ha sokuu bihi nge Amlaalo sisije sokuu ome;
- A ma dla sokuu tsuhi ne nya maa su nyingmi enuo ke ma a kidagati sokuu tsuhi kakaaka lafa enyo;

- A ma tsa nɔ tsami sukuu yami faa blɔ nya tomi ɔ nɔ nɛ a maa ma hi hehi ha sukuu bihi nɛ ma nge se ɔmɛ;
- Kaseli 52,000 nge titsɛhi a tsɔsemi sukuu ɔmɛ ma na sika yemi kɛ buami kɛ je Amlaalo ɔ dɛ nge 2017/18 jeha a mi;
- A be hae nɛ sisije sukuu bi nɛ ma tsa a sukuu nɔ ɔ maa wo sika nge BECE ka a he.

33. Nge 2018 jeha a mi ɔ, Amlaalo ɔ to kaa e kɛ sika nɛ nya maa su Ghana sidi ayɔ 9,258.84 ma tsu ni nɛ ɔmɛ.

Adesa Nɔmlɔtso He Wami Nami

34. Bɔ nɛ pee nɛ ma bi nɛ a na nɔmlɔtso mi he wami nɛ ma ha nɛ SGD 3 ɔ nɛ tsu ni ɔ, Amlaalo ɔ tsu ni nɛ ɔmɛ nge 2017 jeha a mi.

- Amlaalo ɔ wo NHIS (hiɔtsemɛ a nɔ hiemi nɛ a be hiɔ woe blɔ nya tomi ɔ) hiɔ nɛ nya su Ghana sidi yɔyɔi 0.6. Enɛ ɔ ha nɛ hiɔ tsami ni tsumi he ɔmɛ bɔni a ni tsumi bɔ nɛ sa;
- Nge hiɔtsemɛ a hihe kɛ a nɔ hyɛli a tsɔsemi hehi a blɔ fa mi ɔ, nihi nɛ Amlaalo ɔ tsu ji nɛ ɔ nɛ:
 - gbe hiɔtsemɛ a nɔ hyɛli a tsɔsemi hehi a nya nge Sampa, Asankragua, Pantang kɛ Korle-Bu he nɛ a hyɛɔ ni pɔtɛshi nge ɔ;
 - a nge tsami hehi mae nge kpo wawi eywiɛ nɔ. Nge Kumawu ɔ, a ma kɛ su 60%, Fomena 72%, Abetifi 35% kɛ Takoradi 50%. A ma hi hehi nge tsami he nɛ ɔmɛ kɛ su 89%. Ni tsumi nge Tamale ni kasemi hiɔ tsami he ɔ hu je sisi nɛ e su 55%.
 - a ma hiɔ tsami hehi nɛ a kle saiɛ nge Bisease, Gomoa Dawurampong, Binpong Egya, Ekumfi Nakwa, Etsii Sunkwa, Biriwa, Akunfude, Jamra Mankrong kɛ Potsin. Tsami he nyɔngma nɛ ɔmɛ kulaa nge Ghana ma a kpɛti ma je kpo ngua a nɔ. A ma mɛ kɛ su 63%;
 - a ma tsami hehi enuɔ nɛ a kle saiɛ nge Oduman, Sege, Bortianor, Ashiaman kɛ Adenta. Ma nɛ ɔmɛ kulaa nge Ga kpo ngua a nɔ. A ma tsami he nɛ ɔmɛ kɛ su 25%;
- a kpale nɛɛsi yemi tsɔsemi sukuu yami yemi kɛ buami sika nɛ a po mi ɔ se. Kaseli 54,840 nge ma a tsɔsemi hehi 77 nine su yemi kɛ buami nɛ ɔ nɔ;
- a ba asla hiɔ nunui si kɛ ba 0.22% nɛ a hyɛ yihɔ yihi 10,101. Yi bɔ nɛ ɔ hiɛ pe yihɔ yihi nɛ a hyɛ be nɛ be ɔ. Enɛ ɔ ha nɛ a gbɔ yihɔ yihi a gbenɔ nɔ kɛ je 167.5 kɛ ba 149.7;



- a wo nɛssihi nɛ a hyɛɔ yi hiɔtsɛmɛ a nɔ ɔ blɔ kɛ ho mahi fuu a nɔ ya. Enɛ ɔ ha nɛ hiɔtsɛmɛ hiɛ loo pi nɛɛ hiɔ tsami he ɔ;
- a ngmɛ blɔ kaa a ngɔ ni tsuli nɛɛ hiɔ tsami he ɔmɛ nɛ a nya nɛ su 15,667. Ni tsuli nɛ ɔmɛ maa pee nɛssihi 11,573, dɔkitahi 247, nihi nɛ maa ye kɛ bua tsami he ni tsuli kpahi 938 kɛ nihi nɛ a maa ye bua dɔkita amɛ kakaaka 14.
- tsu mlaa he ni nɛɛ ta ba numi he. Mlaa nɛ ɔ ji ‘Tobacco Control Regulations 2016 (L.I 2247)’. A ngmɛ blɔ hu nɛ a pee tsopa hiɛhiɛ nɛɛ Ghana ma a mi.

35. Nɛɛ 2018 jeha a mi ɔ, Amlaalo ɔ:

- ma tsa nɔ ma tsu nyagbahi nɛɛ hapohapo blɔ fa mi ɔ he ni. A maa to blɔ nya ha hapohapo simi ni tsumi ɔ nɔ yami be fɛɛ be. A maa to blɔ nya ha kɔni dɔle hiɔ ɔ tsopa hami;
- a maa to blɔ nya kɛ hiɛ nihi a mi nɛɛ ni tsumi he pɔtɛɛhi nɛɛ Amlaalo ɔ sisi ɔ blɔ fa mi. A maa hyɛ, kɛ gu blɔ nya tomi nɛ ɔ, nɛ ni tsumi he ɔ ekomɛ maa hi a de he;
- a ma tsa hiɔ tsami he mami ni tsumi ɔmɛ a nɔ;
- ma tsa tsami he mami ni tsumi ɔmɛ nɛɛ Bisease, Gomoa Dawurampong, Binpong Egya, Ekumfi Nakwa, Etsii Sunkwa, Biriwa, Akunfude, Jamra Mankrong kɛ Potsin ɔmɛ a nɔ.



36. Nɛɛ 2018 jeha a mi ɔ, Amlaalo ɔ po sika nɛ nya su Ghana sidi ayɔ 4,422.25 nɛ e kɛ maa wo ni tsumi nɛ ɔmɛ a mi.

Ngmɔ Humi, Pa Kɛ Wo Gbemi, Lo Kɛ Lohwehi A Lemi

37. Bɔ nɛ pee nɛ niye ni nɛ hi ma a mi nɛ ngmɔ peemi ni tsumihi nɛ a ya nɔ kaa bɔ nɛ SDG 2 ɔ tsɔɔ nɛ ma bi ma na ni ma tsu ɔ, Amlaalo ɔ nɛɛ 2017 jeha a mi ɔ:



- kpa ni dumi nɛ ma ha niye ni maa hi ma a mi nɛ nihi ma na ni tsumi ma tsu blɔ ɔ nya tomi ɔ he bo (Planting for food and jobs programme). Nɛɛ blɔ nya tomi nɛ ɔ mi ɔ, a ngma ngmɔ huli 204,000 a biɛ, olegɔchi 2,160, nihewi kɛ zangmawi 1,070. A gba zu mi zɔ womi tsopahi kɛ ngmɛduhi (blefo, omɔ, kokoo, yɔ kɛ ngmɔ ni tsɔwi) ha nihi nɛ

a ngma a biɛ ha blɔ nya tomi nɛ ɔ. Amlaalo ɔ wo ni nɛ ɔmɛ tsuo a he hiɔ faa;

- a gba ngmɔ humi klama nɛ a kɛ gblɛɔ zɔ ɔ (Hatɔ) kakaaka 220, blɛfo hluɛmi klamaahi 141 kɛ omɔ fiami klamihi 77;
- a tsi gɔgɔhi a ngmɔ ni puɛmi nya. Blɔ nya tomi ɔ ye bua kɛ tsi ngmɔ nihi ngɛ zugba nɛ klemi su 123,232 a puɛmi nya;
- a ye kɛ bua lohwe lɛli nyingmi kpaago kɛ lohwehi kakaaka 350 ngɛ puje he kɛ ma a kpɛti je kpo ngua amɛ a nɔ. A si tsopa ha nahi 335,000 kɛ lohwe nane eywistɛmɛ ekpahi 430,000;
- a na taku tsɔwi kakaaka 192 ngɛ kpo wawi 64 nɔ. A ma dla taku nɛ ɔmɛ nɛ a ye kɛ bua ngmɔ humi ni tsumi ɔ ngɛ aklowa-kake-taku-kake ngmɔ humi blɔ nya tomi ɔ nya. Blɔ nya tomi nɛ ɔ ma tsu ni wawɛɛ ngɛ Ghana ma a yiti je ɔ;
- a maa to blɔ nya nɛ kokoo jua a maa tlɔ Ghana sisi 7,600 bɔ nɛ pee nɛ nyagba tsɔ ko ba kokoo ngmɔ huli a nɔ ke jua a ba si ngɛ je kɛ wɛ kokoo juami blɔ nya tomi nya a;
- a fia gɔgɔ nɛ nihi nɛ a bɔni kokoo nihi yemi ngɛ Ghana ma a mi kɛ ma se tsuo. A to blɔ nya kɛ tsu kokoo he ni ngɛ blɔ munomunohi a nɔ kɛ ha nihewi kɛ zangmawi a ni tsumi name;
- a tsake kokoo hihi kɛ lohwe tsɔwi a nya tsimi blɔ nya tomi ɔ he mi (CODAPEC) kɛ ha nɛ a kpa ni wawɛɛ nɛ ngmɔ huli nɛ a na sika.



38. Amlaalo ɔ to kaa e ma tsu ni nɛ ɔmɛ ngɛ 2018 jeha a mi:

- a maa ngma ngmɔ huli 5,000 a biɛ nɛ a ma wo ngmɔ humi ni tsumi nɔ hyɛli 2,700 nɛ a ye bua ni dumi nɛ niye ni kɛ ni tsumi nɛ ba blɔ nya tomi ɔ;
- a ma ha zu mi zɔ womi tsopahi nɛ nya maa su 413,323mt, 24,898mt ngmɛduhi kɛ ngmɔ humi klamaahi;
- a maa tsua takuhi 50 nɛ a maa gbe Tamne, Kornorkle kɛ Uasi nyu tsɛmi kɛ hu ngmɔ blɔ nya tomi ni tsumi kekɛle nɔ ɔ nya;
- a ma tsu nyu tsɛmi kɛ hu ngmɔ ni tsumi ngɛ hehi 30 nɛ a maa tsua asahi 100. Enɛ ɔ se ɔ, a ma kpa nɔ si kɛ hyɛ hehi nɛ a maa gbla nyu kɛ gu ngɛ Ghana ma a yiti je ɔ;

- a maa pee tsopa munomunohi ayɔ kɛ ha lohwe pɛlitsemɛ kɛ tsopa ekpahi hu kɛ ha lohwe nane eywiɛtsemɛ. (Tsopa amɛ ji ND 1-2, La Sota kɛ ekpahi);
- a maa ye bua ngmɔ huli nge Ghana kpo ngua nyɔngma amɛ tsuo a nɔ kɛ lohwehi a bihi nɛ nya su 70,000;
- a ma dla ni to hehi kakaaka 140 nɛ a maa pee ehehi hu nɛ a nya su kakaaka 18. A kɛ nɔ ngmɛ mi klamihi kɛ ngmɛdu he jemi kɛ e kami klamahi hu maa wo mi ngmɔ humi ni tsumi ɔ mi;
- a maa pee tsopahi kɛ klamahi a tomi hehi nɛ a kɛ tsopahi maa wo a mi kɛ tsi lohwe ɔmɛ a hiɔ nɛ a maa nu kpatu ɔ nya;
- a maa ye bua lo lemi ni tsumihi nɛ a be amlaalo ɔ sisi kɛ bli ni tsumi ɔ mi kɛ je 58,880mt kɛ ba 73,220mt;
- a ma wo pu he wami kɛ tsɛ nyu kɛ hu kokoo ngmɔ nge humi be mi kɛ gu Amlaalo ɔ kɛ ni kakaakahi a kake peemi kɛ tsu ni (PPP) blɔ nya tomi ɔ nɔ.



39. Nge 2018 jeha a mi ɔ, Amlaalo ɔ to kaa e kɛ Ghana sika sidi ayɔ 598.62 ma tsu ni nɛ ɔmɛ.

Jua Yemi kɛ Ni Tsumi

40. Bɔ nɛ pee nɛ ni tsumihi a mi nɛ bli nɛ nihi nɛ a na ni nɛ a tsu, nɛ nihi nɛ a tsu a dɛ he ni tsumihi nɛ e kɛ SDG 8 blɔ nya tomi ɔ nɛ nyɛɛ ɔ, Amlaalo ɔ tsu ni nɛ ɔmɛ nge 2017 jeha a mi:
- a tsɔse ni tsumi kaseli 660 nɛ a pee ngmɔ ni tsumi dade loo klamahi kɛ ekpa komɛ. A kɛ dade loo klama nɛ ɔmɛ nɛ a nya su 820 nge ni tsue nge falefale peemi blɔ nya tami ni tsumi ɔ mi;
 - a kɛ nine wo womi sisi kɛ wo zugba eka 105 ha simiti peemi ni tsumi he mami.
41. Nge 2018, jeha a mi ɔ, Amlaalo ɔ:
- ma tsa nɔ ma tsɔse nine nge nya ni tsuli nɛ a maa pee klamahi ha ngmɔ kɛ ngmɔ nihi a he ni tsumi;
 - maa to blɔhi a nya nɛ Ghana ni tsumi hehi kɛ ni tsumi he ekpahi a ni tsumihi nɛ a sɔ loo nɛ Ghana ni ɔmɛ nɛ a pa nge he nɛ ɔmɛ:
 - a maa ma ni tsumi hehi 100 nge kpo wawi 100 nɔ;
 - a ma tle ni tsumi hehi 80 nɛ a kpa ni tsumi ɔmɛ si kɛ gu kanyami blɔ nya tomi nɔ;
 - a maa to blɔ nya kɛ hla zugba abgo ha ni tsumi hehi mami nge Asante, Bonyoku kɛ Omleyi kpo ngua amɛ a nɔ;

- a maa to ni tsumi he si nɛ maa hyɛ nihi nɛ a maa pee kɛ je nu loo pɛtloo mi ɔ nɔ ngɛ Bonyoku je kpo ngua a nɔ.

42. Ngɛ 2018 jeha a mi ɔ, Amlaalo ɔ to nɛ e kɛ sika nɛ nya su Ghana sidi ayɔ 418.54 ma tsu ni nɛ ɔmɛ.

Zugba kɛ Adebo Nihi (ekpahi)

43. Bɔ nɛ pee nɛ a hyɛ ma a adebo nihi a nɔ saminya kɛ ha ma a nɔ yami ngɛ blɔ munomunohi a nɔ nɛ e ka SDG 15 ɔ nɛ kɔ ɔ, Amlaalo ɔ tsu ni nɛ ɔmɛ ngɛ 2017 jeha a mi:

- a bu tahi 450,000 nɛ a gba 440,250 nɛ a du ngɛ zugba nɛ klemi ji eka 7,337.50 nɔ. Blɔ nya nɛ ɔ ha nihi 7,500 ni tsumi nɛ a tsu kɛ ye bua zugba a nɔ dlami ngɛ sika tsuami he ɔmɛ;
- a gu hue kɛ lohwehi a yi baami blɔ nya tomi ɔ nɔ kɛ dla zugbahi nɛ a pue kɛ gu sika tsuami kɛ ngmɔ humi ngɛ hue mi ɔ nɔ;
- a du tsohi nɛ a pee hue ngɛ zugba nɛ klemi su 6,300ha nɔ nɛ a dla zugba kɛ e nɔ tsohi nɛ klemi maa su 2,458.75ha nɔ nɛ e pee hue.



44. Ngɛ 2018 jeha a mi nɔ, Amlaalo ɔ ma bli ni tsumi nami blɔhi a nya ngɛ sika tsuami he ɔmɛ nɛ nihi 10,000 ma na he se. Ngɛ 2017 jeha a mi ɔ, nihi 7,500 nɛ a na blɔ nya nɛ ɔ he se. A ma du tsohi kɛ pee huehi ngɛ Ghana ma a kulaa mi. Ke a bla hehi nɛ ni tsumi nɛ ɔ maa ya nɔ ngɛ ɔ, zugba a klemi maa su 30,000ha.

45. Ngɛ 2018 jeha a mi ɔ, Amlaalo ɔ to kaa e kɛ Ghana sidi ayɔ 347.34 ma tsu ni nɛ ɔmɛ.

We Mami Kɛ Ma Mi Dlami Blɔ Nya Tomi Ni Tsumihi

46. Bɔ ne pee nɛ a hys gɔta gbami ni tsumihi a nɔ saminya, pa kpo ɔmɛ a yi baami kɛ wehi nɛ a he jua wɛ mami ni tsumi ɔmɛ nɛ a je a he kpo ngɛ Amlaalo ɔ blɔ nya tomi oti ɔmɛ a mi ɔ, Amlaalo ɔ tsu ni nɛ ɔmɛ:

- A gbe Aboadze kɛ Nkontompo kpo ɔmɛ a he pis pomi ni tsumi ɔmɛ a nya. A ngɛ kpo he pis pomi ni tsumi nɛ ɔ kɛ tsue ngɛ Adjoa, Blekusu, New Takoradi/ Elmina Ōni tsumi blɔ nya tomi enyɔne ɔɛ kɛ Dansoman nɛ e pis bɔɔ nɛ a maa gbe a nya;
- a ma tsa gɔta loo nyu blɔ gbami ni tsumi ɔ nɔ nɛ nyu nɛ ko hi nihi jee hu. A ma tsu ni nɛ ɔmɛ ngɛ Agona Swedru, Sakaman, Ejura, Tɛpa kɛ Goaso;

- a ha Ghana jibifo li 216 blɔ nya nɛ a he wehi nɛ a he jua wɛ ɔ ekomɛ ngɛ Kpone nɛ mɛ nitsemɛ a gbe a nya. A kɛ wehi nɛ a ma kɛ gu blɔ nya tomi nɛ ɔ nɔ ngɛ Borteyman, Asokore-Mampong kɛ Kumasi ɔ, ha ni tsumi he nɛ hyɛɔ ma bi a hio womi nɔ ke a kpa mɛ ni tsumi ɔ (SSNIT) nɛ e gbe a nya;
- Ngɛ wehi 5,000 nɛ a ngɛ mae ngɛ Saglemi—Old Ningo ɔ, a ma 1,502 kɛ su 75%.

47. Ngɛ 2018, jeha a mi ɔ, Amlaalo ɔ:

- maa je gbogbo fiami ngɛ wo kpo ɔmɛ a nya ngɛ Axim, Cape Coast, Ningo Prampram, Shama kɛ Mensa Guinea ngɛ Ga amɛ a sisi;
- ma gba tɛ gɔta loo nyu blɔhi ngɛ Abuakwa Leneyi je, Tano Omleyi je, Subin, Effiduase ngɛ Sekyere Beleku je kpo wayo ɔ nɔ, Okaikoi, Asutifi, Hwidiem, Tafo, Tamale, Ofoase-Korkorben, Odorkor, Bodi, Boanim, Dwinase, Asankragua, Nkrankwanta kɛ ma ekpahi a nɔ;
- a maa ma wehi nɛ a nya maa su 10,000 ngɛ kpo ngua amɛ kulaa a mi.

48. Ngɛ 2018 jeha a mi ɔ, Amlaalo ɔ to kaa e kɛ sika nɛ nya maa su Ghana sisi ayɔ 19.48 ma tsu ni nɛ ɔmɛ.

Blɔ Wawi Kɛ Blɔ Nguahi

49. Kaa Amlaalo ɔ maa suɔ nɛ wa blɔ ɔmɛ nɛ a hi pɛpɛpɛ he je ɔ, e tsu ni nɛ ɔmɛ ngɛ 2017 jeha a mi:
- a dla blɔ nguahi nɛ kami maa su 10,250km kɛ blɔhi nɛ yaa aklowahi nɛ a kami maa su 10,679km. A dla blɔhi ngɛ ma nguahi hu a mi nɛ a kami maa su 7,000km;
 - he nɛ a kɛ ni tsumihi su ngɛ blɔhi a gbami, a dlami kɛ atanɔhi loo bliijihɛ peemi ngɛ jeha a mi nɛ ngɛ daka a mi ɔ nɛ:

Daka Enyɔne: Atanɔ Kɛ Blɔhi A He Ni Tsumi

Ni Tsumi	2016 Jeha a	2017 Jeha a
Nsawam - Apedwa Blɔ ɔ, Kwafokrom – Apedwa	77%	87%
Tarkwa Bogoso-Ayamfuri	96%	100%
Agona Blɔ Gbla a Nya – Elubo	98%	100%
Ayamfuri – Asawinso	92%	97%
Wa – Han	58%	74%
Kansaworodo ma a se blɔ ɔ he ni tsumi nɔ tsami si etɛne ɔ	0%	30%
Kasoa ma a mi blɔ ɔmɛ e he ni tsumihi	58%	100%
Ho ma a mi blɔ ɔ peemi enyɔ	0%	21%
Ho ma a se blɔ ɔ gbami	9%	67%
Bolgatanga-Bawku-Polmakom	0%	13%
Nkwanta-Oti Damanko (Km0 -50)	35%	39%
Nkwanta-Oti Damanko (Km50-62.3)	13%	35%
Berekum-Seikwa	81%	88%

Nge 2018, jeha a mi ɔ, a ma tsa ni tsumi ne ɔme a no:

- a ma dla blo ngua ame ne a kami maa su 11,900km, aklowa blɔhi ne a kami maa su 22,500km ke ma nguahi a mi blɔhi ne a kami maa su 6,500km;
- a ma gba blo nguahi ne a kami maa su 56km, mami blɔhi maa su 30km ne a maa pee atano loo bliiji ke fo jo ɔ no nge Volivo. Blo otihi ne a ma tsu a he ni ji Nsawam ke ya Apedwa blo ɔ (Kwafokrom ke ya Apedwa blo ɔ), Tamale ke ya Yendi blo ɔ, Bolgatanga ke gu Bawku ke ya Polmakom blo ɔ, Nkwanta ke gu Oti ke ya Damanko blo ɔ, Oti ke gu Damanko ke ya Nakpanduri blo ɔ, Berekum ke ya Seikwa blo ɔ, Enchi ke ya Dadieso blo ɔ, Ho blo ɔme peemi enyɔnyɔ, blo ekpa gbami ke gu Ho ma a se, Pokuase blo gbala a peemi ke Kumasi blo ɔme ke nyu blɔhi gbami.

50. Amlaalo ɔ ma e jusmi nya si kaa e ke sika ne nya su Ghana sidi ayɔ 532.89 ma tsu ni ne ɔme nge 2018 jeha a mi.

Ni Tsumi

51. Kaa Amlaalo ɔ nge e he mode boe ne ma bi ne a na ni tsumi ne a tsu kaa bo ne a blo nya tomi ɔ tsɔ he je ɔ:

- A wo nihewi ke zangmawi ne a nya su 107,115 nge ni tsumihi a mi ke gu Nihewi ke zangmawi a ni tsumi nami blo nya tomi (YEA) ɔ no. Nihi 45,000 nge yi bo ne ɔ mi ɔ nge ni tsue ke falefale peemi kuu nge blo nya tomi ɔ sisi;
- a ye bua nihi 16,238 ne a ngma a bie kaa a ma tsu ma ni tsumi loo me nitseme a ni tsumi. A ha ne nihi ne a ngma a bie ɔ ekome na ma se ni tsumi blɔhi a nya loko a ba tsi blo ne ɔme a nya;
- a tsɔse nihewi ke zangmawi nge nine ngue nya ni tsumihi a kasemi mi. A tsɔse me nge ni tsumi no hyemi, e wami ke blo nya tomi ekpahi a mi. A pee nihi 35,051 ka nge ni tsumi ne a kase ɔ mi, ngma ni tsumi tsɔli 1,057 a bie ke ni tsumi kaseli hu 2,007 a bie. A fo ni tsumi tsɔli 170 a konɔ kpa. A ha me a ni tsumi ɔme a no mi mami womihi.



52. Nge 2018 mi ɔ, a ma tsu ni ne ɔme:

- a ma wo nihi ne a ma tsu ni ke gu YEA blo nya tomi ɔ no. Nihi ne a ma wo ɔ nya maa su ɛɔ, ɛɛɛ;
- a ma tsɔse nihi 8,000 ne a maa le nine ngue nya ni tsumi munomunohi. A ma tsɔse nihi 1,400 hu nge ni tsumi no hyemi ke no yami blo nya

- tomihhi a mi. A maa pee nihi 45,000 ka ne a ma ha me yi jemi womi kaa a kase nine ngue nya ni tsumihi;
- A maa hye ni tsumihi 350 a si dami ne a ma wo nihi 4,000 ke wo ni tsumihi ne sa a mi. A maa hye ne a ma hla tsaba ha ni tsumi mi nyagba ame 90% ke ku.
53. Nge 2018, jeha a mi o, Amlaalo o to ne e ke sika ne nya maa su Ghana sisi ayoo 388.62 ma tsu ni ne ome.

Ma Bi A He Pie Pomi

54. Kaa Amlaalo o maa suo ne e je ohia nge ma bi a kpeti o, eto blo nya ne ome nge 2017 jeha a mi.
- e ha ne zangmawi ne a tlooo kaya a 500 na tsosemi nge nomlotso he wami nami blo fa mi nge Asante Kpo ngua a no. A tsose kaya yi ne o ekome hu ne a nya su 400 nge nine ngue nya ni tsumihi a mi;
 - a bli jokue tsowi a sukuu ne nya su 248. A ha jokue tsowi a sukuu kakaaka 362 womi ne a ke tsa a ni tsumi no. Jokuewi ne a nya su 184 ne a ne a je mi nya a na yemi ke buami ke je Amlaalo o de. Akpakitseme ne a nya su 279 hu na yemi ke buami ke gu nine ngue nya ni tsumi kasemi mi.
 - a wo LEAP hihhi si enuo nge hlami loo oslami enyooonyo mi;
 - a kpo jokuewihi 139 ke nihi ne a wa 9 ne ji ne a nge me kue ke yaa hi he ekpahi. Amlaalo o nge nihi 148 ne o yi baae nge nihi a to he munomunohi.
 - daa sukuu ligbi o, a haa sukuu bihi ne a nya su 1,677,322 niye ni si kake nge ligbi o mi. A da sukuu bi niye ni hami blo nya tomi o no ke nge ene o pee nge Ghana ma a kulaa mi.
55. Nge 2018 jeha a mi o, Amlaalo o to ne e ma tsu ni ne ome:
- a ma ha ne ma bi ne a le ne a ye bua ne tue mi jomi ne hi si nge kpo wawi ome a nya dali hlami be mi ke nge a hlami se nge 2018 jeha a mi;
 - a ma tsose yihi ne a ye ke bua ke gbe pahi nge tue mi jomi mi;
 - a ma tsa no maa ye bua ke pee weku mi bimke kake, ma tsose nihi nge nine ngue nya ni tsumihi a mi ne a maa hye ne jokue tsowi a sukuu ome a no hyemi maa hi pepere ne a be mlaa ko no tae;
 - a ma tsa sukuu bihi a ni yeni hami blo nya tomi o no.
56. Nge 2018 jeha a mi o, Amlaalo o to ne e ke sika ne nya su Ghana sisi ayoo 61.38 ma tsu ni ne ome.

MLAA NYA BLO NYA TOMI KOME: NIHI NE AMLAALO O TO KAA E MAA PEE

57. Kaa Amlaalo o maa suo maa suo ne ma a mi he ne ko wa tso ha ma bi, ke ne e nge hlae ne nihi ne a na ni tsumi ne a tsu ne a na ni he je o, a tsu blo nya tomi kome a he ni nge mlaa nya nge 2017 jeha a mi. Blo nya tomi ome ji:

- A po to komɛ a mi. To nɛ ɔmɛ ji:
 - Klama kɛ ni tsumi nihi nɛ a sɛ kɛ ba ma a mi to;
 - nu loo pɛtloo juami to
 - lɔle he ni komɛ sɛmi kɛ je ma se to;
 - Tsu he to nɛ nya su 5% nɛ a kɛ hyɛ hɔtsɛmɛ a nɔ kɛ VAT nɛ a heɔ ngɛ tsu loo wehi a he;
 - Ma se tsopahi nɛ a sɛ he to nɛ ji 17.5% nɛ a kɛ hyɛ hɔtsɛmɛ a nɔ kɛ VAT;
- Kaya tloomi to
- A je VAT 17.5% ɔ nɔ kɛ ba 3% ngɛ nihi nɛ a heɔ kɛ nihi nɛ a jua amɛ a he
- Mlaa womi kpe ɔ pee mlaa nɛ a kɛ to sika kpɛɛ si ha Zongo ɔmɛ a dlami
- Ma nɔ yelɔ ɔ kpa kpo wayo kake kɛ e mi ni tsumi he kake blɔ nya tomi ɔ he bo ngɛ 25/08/17. Amlaalo ɔ gbe ni tsumi pɔtɛshi a tsumi ngɛ blɔ nya tomi nɛ ɔ he, sika blɔ nya tomi kɛ nɔ si kpami kɛ hyɛ kaa nihi maa suɔ nihi nɛ ni tsumi he ɔmɛ maa pee ɔ ni tsumihi a nya. Ngɛ enɛ ɔ peemi mi ɔ, a hyɛ womihi 462 nɛ nihi ngma ngɛ blɔ nya tomi ɔ he ɔmɛ a mi. A na kaa nihi nɛ a ngma amɛ 191 ma tsu ni ngɛ kpo wawi 102 nɔ. Blɔ nya tomi ɔ ma ha nihi 250,000 ni tsumi nɛ a ma tsu.



58. Ngɛ 2018 jeha a mi ɔ, Amlaalo ɔ ma tsu ni nɛ ɔmɛ kɛ ha nɛ ma a mi he ko wa tsɔ ha ma bi:

- A ma je oslabai he wami he hiɔ womi nɔ ngɛ 2018 jeha a mi. Enɛ ɔ ma ha nɛ a maa su kane se a maa wo hiɔ bɔɔ pɛ;
- a maa wo to highiɛ ngɛ loto fiami mi; se a ma kpa VAT to ɔ kɛ to nɛ a jeɔ ngɛ loto yemi sika mi ɔ hemi;
- a ma tsu pu la he wami gblami ni tsumihi ngɛ Amlaalo ni tsumi he ɔmɛ kɛ da oslabai he wami nane mi. Enɛ ɔ ma ha nɛ Amlaalo ɔ be sika tsɔ woe ngɛ oslabai he wami he ngɛ e ni tsumi he ɔmɛ hu;

59. A maa to blɔ nya kɛ gu manemi he so tomi nɔ kɛ wo ma bi kɛ a weto ni kadimi blɔ nya tomi ɔ mi. A ma wo ma bi nɛ a ngɛ ma a sɔmɔe kakaaka 4,000 nɛ a to weto nihi (wehi) a he so ngɛ Ghana ma a kulaa mi;

- a ma tsu ni kɛ ma a sukuu tsɔsemi nɔ hyɛmi sika kpɛɛ blɔ nya tomi ni tsumi he ɔ (GET FUND) kɛ ha nɛ ma bi nɛ a tsu sika kɛ wo kpɛɛ nɛ ɔ mi;



- a maa to nɔ fliimi blɔ nya ha nihi nɛ maa suɔ nɛ a he ma a nɔ ko ɔ;
- a maa to tsu loo we mali a kuu (NBC) si nɛ a kɛ hla ni tsumi ha ma bi;
- “Akufo Addo blɔ nya tomi kɛ ha jua yemi ni tsumi a hɛ mi tsakemi” (AAPET) ɔ ma wo sika kɛ wo ngmɔ humi, pa kɛ wo gbemi, lohwe kɛ lohi a lɛmi ni tsumi ɔmɛ a mi. A maa ye bua ngɛ ngmɔ nihi a juami mi. Enɛ ɔ ma ha ma bi ma na ni ma tsu;
- A maa ba to nɛ ni tsumitseme woɔ ɔ si ha nihi nɛ a ye jeha nyingmi etɛ kɛ enuɔ nɛ a ngɛ mɛ ni tsemɛ a ni tsumihi ɔ. Blɔ nya tomi nɛ ɔ ma tsu ni ha nihi nɛ a yi jeha nyingmi etɛ kɛ enuɔ lolo nɛ a bli ni tsumihi hu;

NYA MUOMI

60. 2018 jeha a ma a sika he blɔ nya tomi ɔ kɛ ha ma a ni tsumihi ɔ ma tsake ma a sika ni tsumi blɔ nya tomi ɔmɛ a hɛ mi kɛ gu oti enuɔ nɛ ɔmɛ a nɔ: ngmɔ humi (ngmɔ humi, lo kɛ lohwe lɛmi, pa kɛ wo gbemi), ni tsumi nihi nɛ hia ha ma a nɔ yami, ni tsumihi a si tomi, blɔ nya tomi ha ma bi nɛ a na ni tsumihi nɛ a tsu, dɛ he kɛ nine ngus nya ni tsumihi a tsumi kɛ tsakemi kɛ nɔ yami. A ma ha nihi nɛ maa hia ma bi ngɛ sukuu tsɔsemi, he wami name kɛ nyu kɛ falefale peemi blɔ fa mi. Jeha nɛ ɔ sika blɔ nya tomi ɔ ma ha ma bi blɔ nya fuu kɛ pee loo tsu nihi fuu.
61. Nyagbe ɔ, sika blɔ nya tomi ɔ bli blɔ ha ma bi a kake peemi kɛ ha nɛ sika blɔ nya tomi yi mi tomi ɔmɛ nɛ a ba mi. Nyɛ ha nɛ wa na hɛ kɛ nɔ fɔmi ejakaa “hɛ kɛ nɔ fɔmi yeɔ buaa hɛ mi yami”.

MUNYUNGU PŌTĒĒHI A SISI TSŌMI (SIKA HE BLŌ NYA TOMI HA NI TSUMI Ō MI MUNYUNGU PŌTĒĒHI)

Akotaa Bumi: Enɛ ɔ ji blɔ nɔ nɛ Amlaalo ɔ guɔ kɛ jɛɔ e nya nɛ e ni peepee kome a he kɛ tsɔ a he se namihi. A peeɔ enɛ ɔ nɛ sika kɛ weto nihi nɛ nɛ Amlaalo ɔ nine nɔ ɔmɛ a blɔ fa mi.

Bɔjɛti: E ji blɔ nya tomi nɛ tsɔ he nɛ a maa na sika nɛ kɛ nihi nɛ a ma wo sika a kɛ tsu. Wa kɛ to he kaa, weku ko ma nye maa to blɔ nya nɛ ɔ eko nɛ nɛ e mi ɔ a maa tsɔ sika nɛ nɛ a dɛ kɛ nihi nɛ a ma he. A maa hyɛ nihi nɛ hia saminya a nɛ a maa wo a nɔ ta kekɛ (kaa tsu hiɔ, nyu kɛ niye ni hiɔ, oslabai he wami hiɔ kɛ ekpahi). Ke a maa hia sika fuu ɔ, lɛɛ esa nɛ weku ɔ nɛ tsu ni wawɛ kɛ hla sika nɛ ɔ loo a ma kpa nihi nɛ hia we loo se nami be a he tsɔ ɔ he mi loo a ma ya pa sika kɛ he jamɛ a ni ɔmɛ.

Bɔjɛti mi hiɔ (Defisiti): Ke Amlaalo ɔ wo sika hiahɛ kɛ he/tsu nihi nɛ a to a he blɔ nya nɛ bɔjɛti ɔ mi pe sika nɛ a naa kɛ guɔ tohi a tsumi nɔ ɔ, e woɔ hiɔ nɛ ɔ kɛ baa.

Sika Nɛ Amlaalo ɔ kɛ tsuɔ ni otihi: E ji sika nɛ Amlaalo ɔ kɛ woɔ sukuu mami, blɔ gbami, hiɔ tsami hehi mami, atanhi/bliijihi peemi, blɔ hiami blɔ nya tomihi, nyu kpakpa he ni tsumi ha ma bi, klamahi kɛ ekpahi a mi.

Ni Tsuli a hiɔ womi: E ji hiahɛ nɛ Amlaalo ɔ woɔ ni tsuli, ni tsuli a he jɔmi sika kɛ ni tsuli nɛ he jɔmi mi a hiɔwo. E sa nɛ ni tsuli ɔmɛ nɛ a pee Amlaalo tsuli.

Yemi kɛ Buami Kuuhi Loo He Dooli (DPs): Mɛ ji mahi, ni tsumi hehi kɛ kuuhi nɛ haa mahi nɛ a wɛ tɛ ɔ yemi kɛ buami kɛ tsu nɔ yami ni tsumihi nɛ ma wo wami kɛ ba. DPs nɛ ɔmɛ ma nye maa pee ni tsumi hehi nɛ tsuɔ ni kɛ guɔ blɔ munomunohi a nɔ kaa je kɛ Wɛ Sika kpɛɛ ɔ (IMF), Je ɔ Sika To He Ngua a (World Bank), Afrika Mahi a Nɔ Yami Sika To He (AfDB) loo mahi kaa Jɛmani (Germany), Yunaitɛd Kindɔm (United Kingdom), Amerika (USA), Ni Tsumi He Nɛ Hyɛɔ Sika Blɔ Nya Tomihi A Nɔ (Institute of Fiscal Policy) kɛ ekpahi.

Nihi A He Jua Wami Nɛ Jaha a Nyagbe Mi: he nɛ nihi a he jua wami su nɛ Bloonya hlami ɔ mi.

Sika he ni tsumi kɛ be sika nɛ a po fɔ si ɔ nɔ: Enɛ ɔ yaa nɔ ke a wo sika nɛ hiɛ pe nɔ nɛ a po fɔ si nɛ bɔjɛti ɔ mi ɔ kɛ tsu ni ɔ.

Yemi Kɛ Buami Sikahi: Enɛ ɔ ji yemi kɛ buami sika nɛ he dooli loo kuuhi nɛ a yeɔ kɛ buaa ma nɔ yami ni tsumihi ɔ, haa Amlaalo ɔ. E ji sika nɛ a paa nɛ a woɔ.

Sika nɛ Amlaalo ɔ woɔ ha Amlaalo ɔ ni tsumi hehi: E ji hiohi nɛ mlaa fi Amlaalo ɔ kaa e woɔ kɛ haa kpo wawi kɛ kpo ngua amɛ (DACF), Blɔhi a he sika, Ghana sukuu tsɔsemi blɔ nya tomi sika (GETFUND), Nu sika, Ma bi a nɔmlɔtso he wami nami blɔ nya tomi sika kɛ ekpahi.

Nihi Kɛ Ni Tsumihi Kulaa He Jua Wami (GDP): enɛ ɔ ji nihi kɛ ni tsumihi nɛ a tsu ɔ kulaa he jua ngɛ ma pɔtɛɛ ko kɛ be pɔtɛɛ mi.

Ma a Sika He Wami (GIR): Enɛ ɔ tsɔɔ ma ko sika he wami nɛ e ngɛ ngɛ ma se nihi a hemi kɛ ni tsumihi a he hio womi mi ngɛ be pɔtɛɛ mi; enɛ ɔ yeɔ kɛ buaa nɛ ma a sika a hio he wami loo jiimi pe ma ekpahi.

Nihi A He Jua Wami: Nihi kɛ ni tsumihi a he jua wami ngɛ be pɔtɛɛ mi.

Sika papɛɛ mi womi hiohi a womi: Sikahi nɛ Amlaalo ɔ pa kɛ he kpa amɛ ɔ, a kpa amɛ loo mi womi ɔmɛ womi.

Sika Papɛɛ Womi: A ji sikahi nɛ Amlaalo ɔ woɔ ha mahi, sika si tomi ni tsumi hehi kɛ ni tsumi he ekpahi nɛ a paa sika ha Amlaalo ɔ nɛ e kɛ tsuɔ ma nɔ yami ni tsumihi.

Ma a sika Blɔ Nya Tomihi A Mi Hyɛmi: enɛ ɔ tsɔɔ blɔhi a nɔ nɛ a guɔ kɛ hyɛɔ bɔ nɛ ma a sika blɔ nya tomi ɔmɛ ngɛ ni tsue ha. Ekomeɛ ji sika ni tsumihi a nɔ yami/yɛmi, nihi a he jua wami, ni tsumihi a tsakemi, ma a kɛ ma se bihi a jua yemi he se nami/si gbeemi, Amlaalo ɔ sika blɔ nya tomihi kɛ Ghana Sika to he ngua a (Bank of Ghana-BOG) juɛmi nya si mami ngɛ ni komɛ a he nɛ woɔ haomi kɛ baa ngɛ Amlaalo ɔ sika blɔ nya tomi ɔmɛ a blɔ fa mi ɔmɛ a he.

Ma a Sika Blɔ Nya Tomi ɔ Nɔ Yami Nɛ Nu He Nihi Piɛ We He: Enɛ ɔ ji ma a sika blɔ nya tomi ɔ nɔ yami/yɛmi nɛ nu he ni tsumi nihi piɛ we he. Ngɛ enɛ ɔ mi ɔ, a hyɛɔ bɔ nɛ nihi a he jua ngɛ wae ha.

Sika Nɛ A Wi To Ngɛ He: enɛ ɔ ji sika nɛ Amlaalo ɔ naa nɛ pi to sika. Ekomeɛ ji hiohi nɛ a woɔ kɛ hlaa blɔ ko nya loo kɛ biɔ blɔ ngmɛmi womi, hio nɛ a woɔ ngɛ Amlaalo nɔ ko nɛ sa nɛ ma bi ma na he se ɔ he kɛ ekpahi.

Ni tsumi ekpahi nɛ a kɛ sika tsu: Hiohi nɛ a wo kɛ je oslabai he wami to sika kpɛɛ ɔ mi.

To ekpahi: Tohi nɛ a woɔ ngɛ nu loo pɛtloo nihi a he.

Ni Tsumi ɔmɛ A Nɔ Yami Ngɛ Jeha Ko Mi: enɛ ɔ tsɔɔ bɔ nɛ Ghana sika blɔ nya tomi ɔ ma ha nɛ ma a maa ya nɔ ngɛ jeha pɔtɛɛ ko mi ha.

Dɛ He Ni Tsuli Kɛ Amlaalo ɔ A Kake Peemi Ngɛ Mlaa Nya Kɛ Tsu Ma Nɔ Yami Ni (PPP): Enɛ ɔ ji blɔ nya tomi nɛ haa nɛ Ni Kakaakahi kɛ kuuhi peeɔ kake kɛ Amlaalo ɔ kɛ tsuɔ ni tsumihi nɛ a ji Amlaalo ɔ ni tsumihi pɔtɛɛ.

To/Sika Nɛ Baa Amlaalo ɔ Dɛ Mi: Enɛ ɔ ji sika kulaa nɛ baa Amaalo ɔ dɛ mi kɛ guɔ to tsumi ngɛ ma bi kɛ ma se bimɛ a dɛ mi nɛ sika papɛɛhi piɛ we he.

Sika Nɛ Amlaalo ɔ woɔ ngɛ ma bi a blɔ fa mi: E ji sika nɛ Amlaalo ɔ woɔ ngɛ ma bi a blɔ fa mi ha ni tsumi hehi nɛ haa ma bi oslabai he wa mi, nyu kɛ nuhi a he nɛ ma bi ko wo hichi nɛ a he wa tsɔ ngɛ ni nɛ ɔmɛ a he.

Ma bi a tsumi: Kuu nɛ hyɛɔ ma bi nɛ a kpa mɛ ni tsumi a hiɔ womi nɔ (SSNIT) ɔ a sika (2.5%) nɛ a tsuɔ kɛ haa hiɔtɛmɛ a nɔ hyɛmi (NHIS).

Sika Nɛ Amlaalo ɔ woɔ ngɛ ma bi a blɔ fa mi: E ji sika nɛ Amlaalo ɔ woɔ ngɛ ma bi a blɔ fa mi ha ni tsumi hehi nɛ haa ma bi oslabai he wa mi, nyu kɛ nuhi a he nɛ ma bi ko wo hichi nɛ a he wa tsɔ ngɛ ni nɛ ɔmɛ a he.

Ni Tsumi nɛ diblii ko be mi: E nɛ ɔ baa mi kɛ Amlaalo ɔ bɔɔ ma bi amanɛ ngɛ be nɛ sa mi nɛ ma bi nɛ a le nɔ nɛ a ngɛ tsue kɛ he nɛ a su.

Sika nɛ Amlaalo ɔ kɛ woɔ ni tsumihi a mi: Sika nɛ Amlaalo ɔ kɛ tsuɔ e nihi.

Hiɔ nɛ a maa wo: Hichi nɛ ngɛ MDA ɔmɛ kɛ Amlaalo ni tsumi he ngua nɛ hyɛɔ ma a sika blɔ nya tomi ɔmɛ a nɔ ɔ a kpɛti kɛ sikahi nɛ piɛ nɛ a Amlaalo ɔ maa wo ngɛ mlaa nya ngɛ 2016 Jeha a mi.

Nihi A Himi To: enɛ ɔ ji to nɛ a woɔ ke a pee/ tsu nɔ ko nɛ e hi ngɛ blɔ fɛɛ blɔ nɔ ɔ.

